



Kirkerådet, Mellomkirkelig råd, Samisk kirkeråd  
Postboks 799 Sentrum

0106 OSLO

Dato: 20.03.2023

Vår ref: 23/00946-3

Dykkar ref:

## Høring - endringer i personalreglement for Den norske kirke - tilsettingsråd for prester

Bispedømerådet skal gi svar på høring i samband med forslag om endringer i personalreglementet i Den norske kyrkja – tilsettingsråd for prester.

Høyringsnotatet frå Kyrkjerådet har bakgrunn i at det på Kyrkjemøtet i 2022 vart vedtatt å utarbeide eit felles personalreglement for heile trussamfunnet. Ei av hovudmålsettingane med felles personalreglement er å bidra til ei heilskapleg og effektiv personalforvaltning i kyrkja.

Ein tek sikte på at det nye reglementet blir vedtatt på Kyrkjemøtet i 2025. Som eit steg på vegen ønskjer ein å innføre ei ordning med tilsetning av prester i partssamansette utval allereie før eit felles personalreglement er på plass. Dette kan gjerast gjennom endringar i det eksisterande personalreglementet, og vedtakast på Kyrkjemøtet i 2023. Det er desse endringane som er tema for denne høringa.

Hovudspørsmålet i høyringsnotatet handlar om at tilsetning av prestar i Den norske kyrkja skal gjerast i eit tilsettingsråd i staden for i bispedømmerådet, slik ordninga er i dag. Vidare foreslår Kyrkjerådet at gjeldande ordning med innstillingsråd erstattast av at innstillingsmyndigheit blir gitt til næraste overordna til stillinga, til vanleg prosten.

Høyringsnotatet foreslår også at tilsetning av prost framleis skal skje i bispedømerådet.

Kommentarar til forslaga:

### Frå innstillingsråd til innstillande myndigheit

Administrasjonen tilrår å støtte forslaget om å erstatte ordninga i dag (innstillingsråd) med ei innstillande myndigheit som blir lagt til prosten. Det er viktig å kvalitetssikre innstillingsprotokollen slik at dei tilfredsstiller dei krav til samanheng mellom utlysingstekst, intervju og vurderingar som leier fram til innstillingsforslaget. Det er difor naudsynt at prosten samarbeider med administrasjonen for å sikre kontinuitet og rekrutteringsfagleg kompetanse.

**Tilsetting av prester i partssamansette tilsettingsråd**

Administrasjonen tilrår å støtte Kirkerådet sitt forslag om innføring av partsamansette tilsettingsråd. Det er naudsynt å effektivisere prosessen, gje sokneråda større og direkte innflytelse og bidra til ein på sikt felles praksis i heile trussamfunnet.

**Tilsetting av prostar i bispedømeråd**

Administrasjonen tilrår å støtte forslaget om at prostar framleis blir tilsett i bispedømerådet, då det er klokt å hauste erfaringar frå tilsettingsråda for prestar og vurdere dette i lys av korleis prosten si framtidig rolle vil bli, før ein endrar tilsettingsreglementet for prostar.

**Tilsettingsråd - samansetning**

Det nye tilsettingsrådet/partssammensette utvalet bør ha ei brei samansetting for å sikre kyrkjefagleg kunnskap og rekrutteringsfagleg kompetanse. Tilsettingsrådet må samstundes kunne arbeide i tråd med hovudmålsettinga om ei meir effektiv personalforvaltning. Vi trur det vil ble svært tid- og arbeidskrevjande om ein frå bispedømerådet skulle sitja i tilsettingsrådet, og dess fleire kalendrar som skal koordinerast, dess mindre tidseffektivt kan prosessen bli. Det er viktig med ei god kandidatoppleving, og difor bør talet på personar representerte frå arbeidsgjevar ikkje vere for stort. Vi meiner og at bispedømerådet har naudsynt kompetanse i administrasjonen for ei god handsaming av tilsettings sakene, så vi foreslår at bispedømerådet vert representert av stiftsdirektør eller den denne utpeikar.

Tilsettingsrådet får etter vårt forslag følgjande samansetning:

Stiftsdirektør, eller ein representant for denne.

Prost

Ein representant for soknet/sokna

Representant for arbeidstakarane

Sidan prosten er forslagsstillande myndigheit støtter vi forslaget om at Stiftsdirektør eller ein representant for denne er leiar av tilsettingsrådet. Vi er og samd i at ei ordning der soknerådet/a har sete i tilsettingsrådet bidrar til å involvere og styrkje sokna sin innflytelse – heilt i tråd med intensjonen i kyrkjemøtet sitt vedtak.

Møre bispedømeråd vedtok i møtet den 20.03.2023 følgjande i sak 20/23:

- 1) Dagens innstillingsråd vert erstatta av prosten som vil gi innstillande forslag til tilsettingsrådet.
- 2) Innføring av tilsettingsråd, der stiftsdirektør eller representant for denne er leiar.
- 3) Tilsetting av prost skal framleis ligge til bispedømerådet.
- 4) Tilsettingsrådet si samansetning skal vere stiftsdirektør eller representant for denne, prost, ein representant frå soknet/sokna og ein representant for arbeidstakarane.

Med helsing

Anne-Marit Hagelund

*Dokumentet er elektronisk godkjent og har difor ingen signatur.*

Mottakere:

Kirkerådet, Mellomkirkelig råd, Samisk  
kirkeråd

Postboks 799  
Sentrum

0106 OSLO